



### Caudal block ke eng?

Caudal block ke ente e hlajwang ngwana botlaaseng ba mokokotlo bakeng sa ho fokotsa bohloko ha ngwana a se a ntse a le ka tlas'a ente e tlwaelehileng ya ho fokotsa bohloko. Ente e tlwaelehileng e thetsetsa boikutlo ba moo o phekolwang, mme e thusa ha ho fokotsa bohloko ha ho sejetswa ka tlasa mokhubu, jwaloka ha ho sebetswa bofokoding ba mesifa e mpeng, ha kwae ya ngwana e na le bothata kapa bohloko ba ho bolotswa , kapa ha ho entswe phekolo maotong.

E kokobetsa bohloko nako e ka etsang dihora tse 6-8, feela ha ho na nako e lekanyeditsweng.

### Molemo wa Caudal Block ke eng?

Ngwan'a hao o tla utlwa bohloko bo bonnyane haholo kapa a se ke a a utla bohloko ho hang, ka mor'a ho phekolwa. Hona ho etsa hore ho se ke ha hlokahala meriana e maatla e ka nngang ya hlatsisa ngwana, ya mo hlohlontsha kapa ya mo bakela boroko.

### Na ho na le dikotsi baneng ka Caudal Block?

Ke ka dilemo tse ngata Caudal Block e etswa lefatshe ka bophara, ka makgetlo a diketekete mme e na le diphetho tse babatsehang tsa polokeho. Dipatlisiso tse kgolo di a re kgodisa hore Caudal block e bolokehile haholo

Ditlamorao tse ka bang teng:

- Ho hloka matla maotong kapa ho imelwa ke maoto – hona ho tlwaelehile ho feta ditlamorao tse ding mme ho a fela ha moriana wa Caudal Block o tswa mmeleng, ha ngata ka mor'a hora tse 3 ho isa ho 12. Nakong ena, ngwan'a hao o hloka ho ba tla'sa tlhokomelo ya batswadi ha ebe wa tsamaya kapa wa kgasa. O ele hloko ka ho hlapisa ngwana ka metsi a chesang haholo ka ha ngwana a ka se kgone ho lemoha ho chesa ha metsi ka nako ena.
- Bohloko bo sa fokotsehang ka ho lekana- baneng ba bang, Caudal block e na le ho se sebetse. Ha hona ho ka etsahala, ngwan'a hao o tla fuwa meriana e tla mo thusa hore a iketle.
- Bothata ba ho sesa: ho na le bana ba seng ba kae ba ka bang le bothata ba ho sesa bakeng sa dihora tse mmalwa pele Caudal block e tswa mmeleng. Ho ka hlokahala catheter ho thusa ho ntsha metsi ka senyeng.
- Ho na le ditlamorao tse batlang di le kotsi jwaloka ho lemala boikulto, ho petla le ho tswa madi empa ha di a hlahella haholo (di etsahala ho mokudi a le mong kapa tlase ho moo, ho bakudi ba bang la ba bang ba sekete) ebile ke ntho e hlokomelehileng.

Haeba oka hloka tlhahisolesediing efe kapa efe mabapi le Caudal block, ka kopo utlwa o lokolohile ho ka bua le ngaka ya hao, a tla thabela ho o thusa.